

三國志集解

十五

三國志卷之六

六

吳書一

三國志四十六

孫破虜討逆傳第一

潘眉曰吳書有本紀故孫皓欲爲父和立本紀韋昭執以和不登帝位宜名爲傳陳壽修志乃悉改爲傳劉咸斂曰

尙氏云堅討黃巾功大使張溫聽堅誅董卓則漢不致亂使諸郡如堅討董卓則長安不至遷此壽所以題爲孫破虜而詳序其起義兵拒和親修漢陵諸事評以有忠壯之烈也按堅固當表章然題破虜則非爲此堅策在吳本有帝王之追號而是書不題權亮等爲帝又不直題其名而稱主故于堅策亦題其生前之官若如尙氏言策題討逆又何功乎沈均瑋曰旣云吳書而武烈桓王俱通篇稱名與臣下一律似非體若標題稱破虜討逆或猶可

晉 平 陽 侯 相 安 漢 陳 壽 撰

宋中書侍郎西鄉侯聞喜裴松之 注

沔陽盧 弼集解

孫堅字文臺吳郡富春人

漢書地理志會稽郡富春郡國志揚州吳郡富春孫權傳黃武五年置東安郡郡治富春以全琮爲

太守七年罷東安郡宋書州郡志吳郡太守富陽令漢舊縣本曰富春晉簡文鄭太后諱春孝武改曰富陽水經漸江水注浙江又東北入富陽縣故富春也晉后名春

改曰富陽也浙江又東北逕富春縣南江南有山孫武皇之先所葬也漢末墓上有光如雲氣屬天黃武五年孫權以富春爲東安郡浙江又東北逕亭山西山上孫權父冢元和志富陽縣東北去杭州七十三里本漢富春縣晉孝武太元中避鄭太后諱改春爲陽一統志故城在今浙江杭州府富陽縣治西北隅楊守敬曰水經漸江水注云山上有孫權父冢權字爲堅字之訛若是權父則直稱孫堅冢蓋鍾名晦而堅名顯也弼按孫策傳堅薨還葬曲阿吳錄云尊堅廟曰始祖墓曰高陵孫權傳太元元年吳高陵松柏斯拔晉陽秋惠帝元康中吳令謝詢表爲孫氏二君墓置守冢五人吳地記盤門東北二里有孫堅及孫策墳一統志孫王墓在江蘇蘇州府吳縣南按據各書所載文臺初葬曲阿後遷葬吳

楊氏謂水經漸江水注當作堅父冢誠無疑矣

蓋孫武之後也

史記孫武傳孫子武者齊人也

以兵法見於吳王闔廬闔廬以爲將西破彊楚入郢北威齊晉顯名諸侯孫子與有力焉裴駙曰越絕書云吳縣巫門外大冢孫武冢也去縣十里弼按孫武之後傳於吳越當原於此互見胡綜傳宋書符瑞志上云孫堅之祖名鍾家在吳郡富春獨與母居性至孝遭歲荒以種瓜爲業忽有三少年詣鍾乞瓜鍾厚待之三人謂鍾曰此山下善可作冢葬之當出天子君可下山百步許顧見我去即可葬也鍾去三十步便反顧見三人並乘白鶴飛去鍾死卽葬其地地在縣城東冢上數有光怪雲氣五色上屬天衍數里父老相謂此非凡氣孫氏其興矣御覽卷五百五十九引幽明錄所載孫鍾事略同潘眉曰陳志不詳破虜父祖名字裴注亦略之趙一清曰張習孔雲谷臥餘云劉敬叔異苑載堅父名鍾因施瓜供異人而獲吉地敬叔劉宋時人而宋書以鍾爲堅祖與幽明錄同一清案此傳不稱父名似當依異苑以鍾爲堅父寔

宇記卷九十三謂堅居陽平山其祖種瓜於此郡縣志謂堅其玄孫恐非鄭蘇年曰蓋孫武之後乃疑詞與魏武紀前云曹參之後後云莫能審其生出本末者同一用意劉咸炘曰王云蓋者疑詞尙云此與魏武紀同一傳疑使先主世系難明亦必曰其先蓋中山靖王之後矣

吳書曰堅世仕吳家于富春葬于城東冢上數有光怪雲氣五色上屬於天蔓延數里衆皆往觀視父老相謂曰是非凡氣孫氏其興矣及母懷妊堅夢腸出繞吳閭門寤而懼之以告鄰母鄰母曰安知非吉徵也

宋書符瑞志堅母生堅夢腸出繞吳昌門以告鄰母鄰母曰安知非吉祥也昌門吳

郭門也趙一清曰昌門本日閭闔門亦曰閭門

堅生容貌不凡性闊達好奇節

少爲縣吏年十七

時爲漢靈帝建寧四年

與父共載船至錢唐

漢書地理志會稽郡錢唐西部都尉

治晉書地理志吳郡錢唐一統志錢唐故城在今浙江杭州府錢塘縣西秦始皇三十七年東遊過丹陽至錢唐漢爲西部都尉治後漢省中平二年封朱雋爲錢唐侯蓋是時復置也孫策入會稽以程普爲吳郡都尉治錢唐吳增僅曰錢唐中興後省吳志闕澤傳除錢唐長在建安初年蓋漢末復立吳郡南部都尉治謝鍾英曰全琮傳琮吳郡錢唐黃武元年封錢唐侯王先謙曰隋以前皆作錢唐至唐以字係國號加土爲錢塘弼按水經漸江水注浙江又東逕靈隱山山下有錢唐故縣浙江逕

其南錢唐記曰防海大塘在縣東一里許郡議曹華信家議立此塘以防海水始開募有能致一斛土者即與錢一千旬月之間來者雲集塘未成而不復取于是載土石者皆棄而去塘以之成故改名錢塘焉范書朱雋傳封錢塘侯章懷注引錢塘記御覽卷七十四引劉道真錢塘記所載均同是則唐以前已有錢塘之名王說似未可

信 會海賊胡玉等從匏里上掠取賈人財物

謝鍾英曰匏里宜近錢唐

方於岸

上分之行旅皆住船不敢進堅謂父曰此賊可擊請討之父曰非爾所圖也堅行操刀上岸以手東西指麾若分部人兵以羅遮賊狀賊望見以爲官兵捕之即委財物散走堅追斬得一級以還父大驚由是顯聞府召署假尉會稽妖賊許昌起於句章

郡國志揚州會稽郡治山陰會稽山在南上有

禹冢有浙江胡三省曰句章縣屬會稽郡十三州志句踐之地南至句無其後并吳因大城之章霸功以示子孫故曰句章句音章句之句潘眉曰史炤通鑑釋文句音鉤胡三省據經典釋文音九具反如淳章昭皆音拘然按闕闕十三州志史炤音是也一統志山陰故城范蠡所築見越絕書今浙江紹興府山陰縣治句章故城今浙

江寧波府慈谿縣西南

自稱陽明皇帝

靈帝紀曰昌以其父爲越王也

馮本王作主誤

與其子韶扇動諸縣衆以萬數

范書靈帝紀熹平元年十一月會稽人許生自稱越王寇郡縣章懷注引東觀記曰

會稽許韶聚衆自稱大將軍立父生爲越王攻破郡縣何焯曰許生吳志作許昌許昭作許韶惠棟曰天文志臧洪傳皆作許生晉諱昭故作韶潘眉曰昌韶字誤討逆傳注嚴白虎投許昭於虜中亦不作韶可證弼按范書朱雋傳會稽太守尹端討許昭失利亦作許昭

堅以郡司馬募召精勇

得千餘人與州郡合討破之

胡三省曰百官志郡有丞長史而無司馬蓋是時以盜起置司馬以主兵也

是歲

熹平元年也

是年孫堅年十八歲

刺史臧旻列上功狀

臧旻事詳魏志臧洪傳注引謝承書范書靈帝紀熹平元

年遣揚州刺史臧旻丹陽太守陳夤（通鑑作寅）討破之三年十一月大破許生於會稽斬之趙一清曰咸淳臨安志皇甫巖在於潛東一十五里近平越城舊志云皇甫嵩破妖賊許生於此故名考皇甫嵩傳止載討黃巾張角之事而不及許昭贊中所云僞捷陳穎亦弭於越是時陳國潁川各有賊起朱僞與皇甫嵩共平之嵩曾駐兵於此史逸不載亦未可知弼按

詔書除堅鹽漬丞

郡國志徐州廣陵郡鹽漬一統志鹽漬故

城今江蘇淮安府鹽城縣西北

數歲徙盱眙承

馮本眙作眙誤郡國志徐州下邳國盱台一統志盱眙故城今安徽泗州盱眙縣東北孫策生

於熹平四年堅年二十一歲當在爲盱眙丞時

又徙下邳丞

郡國志下邳國治下邳一統志下邳故城今江蘇徐州府邳州東三里孫堅爲下邳

丞生權見權傳注引江表傳是歲光和五年堅年二十八歲

江表傳曰堅歷佐三縣所在有稱吏民親附鄉里知舊好事少年往來者常數百人堅

接撫待養有若子弟焉

中平元年

是年孫堅年三十歲子翊生

黃巾賊帥張角起於魏郡託有神靈遣八

使以善道教化天下而潛相連結自稱黃天泰平三月甲子二十六

萬一日俱發天下響應燔燒郡縣殺害長吏

范書靈帝紀中平元年鉅鹿人張角自稱黃天其部師有

三十六萬皆著黃巾同日反叛皇甫嵩傳鉅鹿張角自稱大賢良師奉事黃老道畜養弟子跪拜首過符水呪說以療病角因遣弟子八人使於四方以善道教化天下轉相誑惑十餘年間衆徒數十萬連結郡國自青徐幽冀荆揚兗豫八州之人莫不畢應遂置三十六方方猶將軍號也大方萬餘人小方六七千各立渠帥訛言蒼天已死黃天當立一時俱起皆著黃巾爲標幟時人謂之黃巾亦名爲蛾賊何焯曰三十六方不知何自沿寫爲萬惠棟曰袁宏紀作坊方與坊古字通蓋張角列部署爲

三十六坊各有
甲乙以別之也

獻帝春秋曰角稱天公將軍角弟寶稱地公將軍寶弟良稱人公將軍

通鑑考異曰
司馬彪九州

春秋云角弟梁梁弟寶袁紀云角弟良寶弼按皇甫
嵩傳作角弟寶寶弟梁靈帝紀亦云獲張角弟梁

漢遣車騎將軍皇甫嵩中郎將朱儁將兵討擊之

范書皇甫嵩傳以
嵩爲左中郎將持

節與右中郎將朱雋各統一軍共討潁川黃巾錢大昭曰嵩以北地太守爲左中郎
將與朱雋共討黃巾黃巾已平乃拜左車騎將軍此時尙未爲車騎也疑傳有誤

儁表請堅爲左軍司馬

宋本作佐軍山陽公載記作佐軍見後注江表傳注
亦作佐軍見孫策傳注儁爲會稽上虞人與堅同州

里鄉里少年隨在下邳者皆願從堅又募諸商旅及淮泗精兵合千

許人與儁并力奮擊所向無前

吳書曰堅乘勝深入於西華失利

郡國志豫州汝南郡西華一統志西
華故城今河南陳州府西華縣南

堅被創墮

馬臥草中軍衆分散不知堅所在堅所騎驄馬馳還營踏地呼鳴

馮本踏
作倍誤

將士隨馬

於草中得堅堅還營十數日創少愈乃復出戰

汝穎賊困迫走保宛城

郡國志荊州南陽郡治宛一統志宛縣故城今河南南陽府南陽縣治

堅身當一

面登城先入衆乃蟻附遂大破之

范書朱雋傳南陽黃巾數萬殺郡守屯宛下賊更以趙弘爲帥衆十餘萬據宛

城雋擊弘斬之賊餘帥韓忠復據宛拒雋雋又大破之賊遂解散文臺從朱雋力戰當在此時沈家本日雋自將精卒五千掩其東北乘城而入卽此事范史不言堅者

統於雋耳

雋具以狀聞上拜堅別部司馬

上字當屬上句讀如後注引吳錄以狀上是也拜堅別部司馬如下文拜

堅議郎是也陳本上字屬下句讀誤續百官志其別領營屬爲別部司馬

續漢書曰雋字公偉會稽人

朱雋事略見魏志武紀初平元年

少好學爲郡功曹察孝廉舉進士

何焯曰史傳言舉進士始見於此梁章鉅曰此與後人由科舉出身者相仿周壽昌曰後漢書雋作雋云太守徐珪舉雋孝廉再遷除蘭陵令其敘雋出身是也若舉進士兩漢無此制卽司馬彪時亦不能有也進士兩字恐是高第之誤沈家漢本曰兩漢無進士之名此云舉進士未詳其義梁氏欲以今制擬之殊非其實

朝以討黃巾功

姚範曰漢朝當本吳人注記紹統之書何以云爾

拜車騎將軍累遷河南尹董卓見雋外

甚親納而心忌之儁亦陰備焉關東兵起卓議移都儁輒止卓卓雖憚儁然貪其名重

乃表拜太僕以自副儁被召不肯受拜因進曰國不宜遷必孤天下望成山東之結

范書儁傳
結作釁

臣不見其可也有司詰曰召君受拜而君拒之不問徙事而君陳之何也

儁曰副相國非臣所堪也遷都非計臣之所急也

范書作遷都計
非事所急也

辭所不堪進臣

所急

范書作言
所非急

臣之所宜也有司曰遷都之事初無此計也就有未露何所受聞儁

曰相國董卓爲臣說之臣聞之於相國有司不能屈朝廷稱服焉後爲太尉

徐州刺史
陶謙等推

雋爲太師見魏志陶謙傳注范書雋傳初
平四年代周忠爲太尉錄尙書事明年免

李傕郭汜相攻劫質天子公卿儁性剛

卽發病而卒

范書雋傳獻帝詔雋與太尉楊彪等十餘人譬郭汜令與李傕和汜
不肯遂留質雋等雋素剛卽日發病卒陳仁錫曰雋不死於卓得其

死所弼按雋不死於董卓而死
於郭汜奚以別乎陳說謬甚

邊章韓遂作亂涼州

邊章韓遂事詳見魏志武紀卷首韓遂
事又見武紀建安二十年注引典略

中郎將董卓

拒討無功中平二年

前已書中平元年此中平二字衍

遣司空張溫行車騎將軍西討

章等

錢大昕曰後漢書靈帝紀在二年

溫表請堅與參軍事

胡三省曰參軍事之官始見於此杜佑曰漢靈帝時陶謙

以幽州刺史參司空車騎將軍張溫軍事時孫堅亦為參軍晉時軍府乃置為官員又云參軍事昉於魏晉之間位望頗重孫楚謂石苞曰天子命我參卿軍事自是以後位望輕矣見通鑑六十二以王朗參司空軍事注周壽昌曰與參軍事言使參議其軍事非設官之稱時堅仍官別部司馬也胡氏三省謂參軍設官之始殆非也又按通典載漢靈帝時陶謙以幽州刺史參司空張溫軍事杜佑謂晉時乃置為官員壽昌案三國時即置參軍如楊儀馬謖皆諸葛丞相之參軍他固未遑攷也晉書職官志諸公及開府位從公為持節都督增參軍又領軍出征則置參軍是此官因時置無定員也又案建安十九年吳獲魏參軍董和是參軍設官當三國時漢末尚未定制也弼按魏志曹休傳以休參曹洪軍事太祖謂休曰汝雖參軍其實帥也是為權重之證

屯長安溫以詔書召卓卓良

久乃詣溫溫責讓卓卓對應不順

宋本對應作應對

堅時在坐前耳語謂

溫曰

胡三省曰耳語附耳而語也

卓不怖罪而鳴張大語宜以召不時至陳軍法

斬之溫曰卓素著威名於隴蜀之間

通鑑隴蜀作河隴

今日殺之西行無依

堅曰明公親率天兵

宋本天作王通鑑同

威震天下何賴於卓觀卓所言不假

明公輕上無禮一罪也章遂跋扈經年當以時進討而卓云未可沮

軍疑衆二罪也卓受任無功應召稽留而軒昂自高三罪也古之名

將仗鉞臨衆未有不斬以示威者也是以穰苴斬莊賈

史記司馬穰苴傳齊

景公時晏嬰薦田穰苴景公召穰苴與語兵事大說之以爲將軍穰苴曰臣素卑賤願得君之寵臣國之所尊以監軍乃可景公使莊賈往穰苴與莊賈約曰旦日中會於軍門穰苴先馳至軍立表下漏待賈日中而賈不至夕時乃至穰苴召軍正問曰軍法期而後至者云何對曰當斬遂斬賈以徇三軍三軍之士皆振慄魏

絳戮楊干

左傳襄公三年晉侯之弟楊干亂行於曲梁魏絳戮其僕

今明公垂意於卓

胡三省曰垂意猶言降意也

不卽加誅虧損威刑於是在矣溫不忍發舉

通鑑無舉字

乃曰君且還卓

將疑人

錢大昭曰張溫不聽破虜之言卽斬董卓致令職爲亂階小不忍則亂大謀矣

堅因起出章遂聞大兵向

至黨衆離散皆乞降軍還議者以軍未臨敵不斷功賞

沈家本曰范史靈紀中平二年

張溫破北宮伯玉於美陽因遣邊寇將軍周慎追擊之圍榆中又遣中郎將董卓討先零羌愼卓並不克董卓傳三年冬徵溫還京師然則溫以被徵而還非軍勝而還當時之不斷功賞自以師出無功非以軍未臨敵且其時溫破賊於美陽不得謂軍未臨敵章遂敗走榆中亦無黨衆離散皆乞降之事此傳與范史全不符合恐是承祚之謬

然聞堅數卓三罪勸溫斬之無不歎息拜堅議郎時長沙賊區

星自稱將軍

胡三省曰區烏侯翻姓也又如字通鑑考異曰范書作觀鵠弼按范書獻紀中平四年十月零陵人觀鵠自稱平天將軍寇桂陽長

沙太守孫堅擊斬之按此卽下文起於零桂之賊非長沙之賊也考異似誤以區星卽觀鵠也趙一清曰方輿紀要卷八十鍾武城在衡州府西八十里漢縣屬零陵郡後漢改爲重安初中賊區星嘗據此孫堅討平之三國吳屬衡陽郡

衆萬餘人攻圍城邑乃以堅爲長沙

太守

郡國志荊州長沙郡治臨湘一統志臨湘故城今湖南長沙府長沙縣治寰宇記卷九十三富春縣前有沙漲孫堅爲郡吏趨府鄉人餞之洲上父老曰

此沙狹而長君其爲長沙太守乎後如其言因名孫州御覽六十九引吳錄地理志所云與此同一統志孫洲在浙江杭州府富陽縣西南四十二里弼按堅爲長沙太守通鑑編入中平四年時堅年三十

到郡親率將士施設方略旬月之間

三歲堅舉長沙桓階爲孝廉見階傳

克破星等

魏書曰堅到郡郡中震服任用良吏勅吏曰謹遇良善治官曹文書必循治以盜賊付

太守

周朝郭石亦帥徒衆起於零桂

朱治傳中平五年治從孫堅討長沙零桂等三郡賊周朝蘇馬等有功

與

星相應遂越境尋討二郡肅然

長沙零陵桂陽也

漢朝錄前後功封堅烏程

侯

郡國志揚州吳郡烏程孫皓傳寶鼎元年注載皓詔曰今吳郡陽羨永安餘杭臨水及丹陽故鄣安吉原鄉於潛諸縣地勢水流之便悉注烏程既宜立郡以

鎮山越且以藩衛明陵其亟分此九縣爲吳興郡治烏程一統志烏程故城今浙江湖州府烏程縣治梁章鉅曰吳以烏程侯始以烏程侯終弼按此爲事之偶合如漢以陳留王終魏亦以陳留王終事亦相類與天命歷數毫不相涉如謂以烏程興者必以烏程亡則疑忌巫蠱之事相沿而生識緯術數遂得以施其伎矣

吳錄曰是時廬江太守

郡國志揚州廬江郡治舒弼按此東漢末之廬江郡治也一統志舒縣故城今安徽廬州府廬江縣西互見魏志武

紀建安四年及臧霸傳吳增僅曰後漢廬江郡治舒建安四年劉勳始移治皖一吳志孫策傳一通鑑胡注魏廬江治陽泉皇興表及周氏晉略表又云魏廬江治六安吳平徙治陽泉今按諸說皆各據一時言耳魏志滿寵傳太和六年吳將陸遜向廬江滿寵云賊舍船二百里來後尾空懸整兵趨揚宜口賊聞大兵東下卽

遁走據水經注揚宜口卽陽泉水之口據此則陽泉爲廬江郡治無可疑也吳志孫權傳嘉禾六年全琮襲六安又朱異傳魏廬江太守文欽營住六安一時在正始中一據此則六安亦魏廬江郡治無可疑也汪士鐸三國廬江郡考云建安十九年吳破朱光拔皖城魏廬江太守遂治陽泉竊疑建安末徙治陽泉自齊王芳時又徙六安吳平又徙陽泉也楊守敬曰吳君謂魏太和時魏廬江郡治陽泉其實非也陸遜向廬江論者以爲宜速赴之謂速赴六安也故滿寵云廬江雖小將勁兵精守則經時乃整衆趨陽宜口陽宜口去六安尙百餘里此其從容整軍可見若廬江治陽泉則寵已趨赴治所與寵所云云不應矣弼按吳楊所云魏廬江郡治也一統志陽泉故城今安徽潁州府霍丘縣西六安故城今安徽六安州北洪亮吉曰呂蒙傳吳破皖後卽拜蒙廬江太守還屯尋陽則吳廬江郡蓋從尋陽遙領也謝鍾英曰建安四年孫策拔廬江一時廬江治皖五年權攻李術於皖城臬術首十九年權克皖城黃武四年皖口言木連理六年曹休斬吳皖守將審德七年權至皖口使陸遜破曹休於石亭嘉禾六年諸葛恪屯廬江赤烏六年恪自皖遷於柴桑是吳廬江郡治皖洪氏謂遙領非也天紀二年吳人大田皖城王渾攻破之見晉書渾傳是皖城終魏世屬吳弼按洪謝所云吳廬江郡治也一統志皖縣故城今安徽安慶府懷寧縣治互見魏志明紀太和二年趙一清曰方輿紀要卷二十六胡氏曰漢文帝分淮南爲廬江國在江南班志廬江郡則在江北蓋兩漢廬江郡皆治舒三國時吳擊魏廬江滿寵曰權舍船二百里懸軍深入恐其走不及耳蓋是時廬江郡改治

陸康

范書陸康傳康字季寧吳郡吳人康少仕郡以義烈稱刺史臧旻舉爲茂才徵

陽泉縣也孫氏亦置廬江郡治皖

拜議郎會廬江賊黃穰等攻沒四縣拜康廬江太守康申明賞
罰擊破穰等弼按康事互見孫策傳康少子績自有傳見後

從子作宜春長

郡國

志揚州豫章郡宜春晉書地理志荊州安成郡宜春宋書州郡志江州刺史安成
太守孫皓分豫章廬陵長沙立領宜陽本名宜春屬豫章晉孝武改名一統志宜

春故城今江西袁州府宜春縣治弼按此與汝南郡之宜
春同名異地汝南郡之宜春前漢曰宜春後漢曰北宜春 爲賊所攻遣使求救於

堅堅整嚴救之主簿進諫堅答曰太守無文德以征伐爲功越界攻討

由長沙郡至豫章郡之宜

春縣故 曰越界 以全異國 國者郡 以此獲罪何媿海內乎乃進兵往救賊聞而走

靈帝崩卓擅朝政橫恣京城諸州郡並興義兵欲以討卓

此爲獻帝初平元年

事是時孫堅年三十六歲

江表傳曰堅聞之拊膺歎曰張公昔從吾言朝廷今無此難也

堅亦舉兵荊州刺史王叡素遇堅無禮堅過殺之

後注引吳錄云周囑與孫堅爭豫州堅慨

然歎曰同舉義兵而各若此言發涕下然堅與叡亦同舉義兵何以
擅殺荊州刺史南陽太守也魏志劉表傳表代王叡爲荊州刺史